

QUÆSTIO MEDICA

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM, DIE MARTIS XIX. DECEMBRIS.

M. RAYMUNDO VASLET, Doctore Medico, Præfide.

An cardiaca purgantibus commiscenda?

IN affectibus, quos purgatio sanat, Caput artis est humorem funditus subducere, ne morbus ab eo reviviscat: haud eò tamen sic se totum medicus intendit, ut quæ salutaria sunt, grata tutaque præbere sit nefas, & quod cathartici nocentius inest partim imminuere, vehementiora leniendo, vel blandiorum permixtione temperando. Verum quidquid comminiscatur medicus, ut purgandi difficultatem elevet, tota sæpe devoranda est. Epotimedicamenti, & agitata ab illo impuritate, per stomachum, per lactes, per alvi vortices euntis morfus acerrimi, perperçu ardui. Adde in ipso purgationis actu varias partes variè tentari, caput vertigine, sonoribus, stomachum nauseâ, cordolio, venter torminibus, assidua descendendi necessitate, universum corpus virium deliquio: inter hæc ægri exclamant, medicum compellant, equid consilii ferat quò tardum nimis anxie purgationis exitum acceleret & cathartico concussas vires sustentet? qui hæc duo paulò ante mox se præstiturum repromisit cum cardiaca cathartici commiscuit.

CARDIACA veteribus non nominata magis quam usurpata, sequior ætas in medicinam intulit, hepaticorum, splenicorum, & similium appellationem imitata, usus consilio & eventu non dissimili; hæc enim, ut illa, nulla vis commendat, appellanti curandæ parti propriè & unicè conveniens, quæque ullo medendi successu seorsim innouescat, sed jactata passim arcana, quamvis in arte nulla, & remedia sanandarum partium nomine insignia, credulæ ægrorum suffragatione sic invaluerunt ut cum præcipuis medicinæ auxiliis salubritate contendant, & malignis in febribus sæpe cardiaca virus foras evocandi decertatâ potestate laudem diviſere, quam sola nullam tulissent uni venæ sectioni tribuendam. Magna est in medicina erroris fecunditas. Cardiaca non solum morborum, sed etiam remedium medelæ facta sunt, & fato in dies meliori, quæ aliò destinata à purgantium commercio longe femora jacebant, hodie illis confociantur. Jam lapillis & unionibus pretium accendit, non splendoris, vel operis, sed virtutis admirabilitas, quæ cordis sopes, medicamentorum emendatrix, purgationi præficitur, catharticum rectura imperiò, cujus vires ad arbitrium vel præsentia mitiores præbeat, vel si recesserit, vehementiores, neque sine damno profuturas sinat in corpus irrumpere.

ECCE adsunt ad purgationem signa, & omnibus ritè peragendis occasionis superbiæ inescavit medicus, atque ut tutius & efficacius purget, diffusæ potionis plures impingit cyathos. Quid tum cardiaca purgantibus immixta poculis? Stomacho turbulentos haustus faciunt, & odore bono, quo solo prodesse possent, insitam purgantium insuavitatem tristius acuiunt diutius vomituriente ægro. Conceptum alvo catharticum altius se insinuavit, & coactam undique bilem, pituitam, serum nullo discrimine in communes corporis vias compellit, magno sæpe quidem excrucientium se se partium tumultu, alta interim otia servantibus cardiaca: quorum vis majori cathartici virtute sic obruit ut nulla compareat, autinque passibus secuta, nihilò promovendæ aut absolvendæ quam inchoandæ purgationi utilior, aut comprimendis quæ suboriuntur symptomatis ubique supervacanea persistat. Re perfectâ, & exacto humore noxio, vires, quid magnum enixe, sustinendæ sunt, ne penitus ruant. Præterea catharticum nisi arte, vel naturâ mituerit semper infernum: si quid sui, si quid humoris reliquum fecerit quamprimum eluendum est: hæc omnia integra futura sunt, medicamenta *opulenta* miscenti. Cui castigandi catharticiars ita confiterit, næ ille multas à purgatione molestias subduxerit, neque à cardiaca adversus purgantia munimentum quæret partibus, aut quicquam ab illis ducet, quò debilitatis viribus prospiciat. Medicamento vires corroborari ægri optantis votum est, non medentis consilium, sola quæ vires servant, amissas restitunt, à quibus cardiaca immenso & prope majori quanti purgantia discrepant intervallo.

PARUM diverso è penu purgantia depromuntur, & quæ purgantia mitigant, ex utroque genere optima, nullâ terrarum altitudine defossa latent. Sub dio posuit Deus, atque in vegetantium sylvam conjecta, quæ prudens peritaque manus legerit, fidens & salutaris impertiet. Male adeò compilatas fœderiorum opes medicus conterit, ut purgationis incommoda sublevet. Ad rectam purgationem smaragdi, aurum, hyacinthi, & pretiosa ejusmodi vilescunt. Rus & mensa præsto sunt & copiosa in iis purgantium lenimenta: hic alimenta abundant, quorum ductu cathartica blandius obrepunt, quàm cardiacorum comitatu, illic mitiores radices, herbæ, femina, quorum decocta, quò simpliciora eò sinceram magis purgantium vim relaturâ, hæc dum diluunt mitiorem efficiunt. Cætera cardiaca quæ virentis telluris è sinu carpit vulgus medicum quâ profunt, sive arcendâ putredine, sive dissilando sanguine, eximiam illam & famolis antidotis attributam exhilarandi cordis, vel corrigendi cathartici auctoritatem locupletius resellunt, nam ut cathartici se se immisceant confestim à cardiacorum genere, & munere deficiunt.

CATHARTICA atque cardiaca male idò fœdere conjunguntur, quorum diversæ vires, & aliæ procul ab aliis tendentes nunquam in unum finem possint dirigi. Catharticum ex arte præscriptum naturam æmulatur, purgationis auctorem & ducem: nam à remotis & angustioribus viis humorem in parentiores, & solenni excrementorum comperatione notas paulatim seducit, ut hinc in alvum & foras mittat. Contra vis cardiacis affingitur, quæ à corporis penetralibus exorsa, in ultimam & extremam oram abit. Ea denum ab omni parte beata purgatio succedit, quæ perfluo, quâ convenit ad purgandum corpore, susceptâ, pristinum reddit visceribus nitorem, & nulla præterlapsæ impuritatis, aut ducentis eam medicamenti vestigia reliquit. *Ergo* læs præstandæ leges nescit, qui inter purgandum cardiacis imperandam committit, quæ ante purgationem solâ cicurandi humoris, & victus ratione obtinenda fuit. Tandem cardiaca neque catharticum adjuvant, neque leniunt, cum quo nulla medendi facultate conveniunt: Eadem humoris decursu, aut purgantium transitu, excitatam labem non temperabunt viribus, & temperatione emendandis partibus dissimilima, quæ adeò si cathartici immiscenda sint, ægris ita volentibus, pauca medici prudentiam, nulla incorruptam in medendo fidem repræsentant. At medicum prudentem æquè, & in omnibus fidelem esse præstantius.

Ergo cardiaca purgantibus non commiscenda.

DOMINI DOCTORES DISPUTATURI.

M. Petrus Ozon.

M. Antonius de Saint Ton.

M. Nicolaus Liénard.

M. Guillelmus Lamy.

M. Claudius de Quenast.

M. Philippus Douré.

M. Petrus Ton.

M. Claudius de Frades.

M. Nicolaus Morin.

Proponebat Lutetiæ MARCUS-ANTONIUS HELLOT, Parisinus, A.R.S.H. MDCLXXIII.